



TOSHKENT DAVLAT YURIDIK UNIVERSITETI REKTORINING B U Y R U G ' I

03.07.2023

381-tm-son

Talabaga intizomiy chora qo'llash to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti talabalari Odob-axloq kodeksi qoidalari bilan tanishtirilgan, shuningdek, dekanat tomonidan ogohlantirish berilgan bo'lishiga qaramasdan 2-kurs talabasi Primov Islom Mamadiyor o'g'li universitetga belgilangan namunadagi formaga zid kiyimda (qora ko'ylakda) kelgan (31.03.2023) hamda tegishli xulosa chiqarmasdan takroran (14.06.2023) universitetga belgilangan namunadagi formaga zid kiyimda (qora finkada) kelgan.

Bundan tashqari, 1-kurs talabasi Ahmadjonov Azizbek Adhamjon o'g'li (03.11.2022) universitetga belgilangan qoidalarga zid ravishda soqoli o'sgan holda kelgan va (18.11.2022) universitetga belgilangan namunadagi formaga zid kiyimda kelgan hamda tegishli xulosa chiqarmasdan takroran (16.06.2023) universitetga belgilangan qoidalarga zid ravishda soqoli o'sgan holda kelgan.

Shuningdek, 3-kurs talabalari Sharifov Samandar G'ayrat o'g'li (12.06.2023) hamda Jo'rayev Sherali Yuldoshali o'g'li (15.06.2023) universitetga belgilangan qoidalarga zid ravishda soqoli o'sgan holda kelishgan.

Talabalar mazkur harakatlari bilan TDYU Odob-axloq kodeksi 11-moddasi 4-xatboshisi (universitet talabalari bo'lgan erkaklar oq, havorang, och jigar rang yoki och kulrang ko'ylakda, klassik uslubdagi shim yoki odmi kostyum va to'q rangdagi poyabzalda kelishlari lozim); 16-moddasi 8-xatboshisi (universitet binolari va hovlisida TDYU Odob-axloq kodeksida belgilangan qoidalarga zid ravishda soch-soqoli o'sgan, to'zg'igan va kiyinish talablariga rioya qilmagan holda kelish qat'iy taqiqlanadi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom

(ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 11-moddasi 4-xatboshisi, 16-moddasi 8-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1. Universitet Odob-axloq kodeksi 11-moddasi 4-xatboshisi va 16-moddasi 8-xatboshisi talablarini takroran buzganligi uchun universitetning Xalqaro huquq va qiyosiy huquqshunoslik fakulteti 2-kurs talabasi Primov Islom Mamadiyor o'g'li va 1-kurs talabasi Ahmadjonov Azizbek Adhamjon o'g'liga hayfsan e'lon qilinsin.

2. Universitet Odob-axloq kodeksi 16-moddasi 8-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 3-kurs talabalari Sharifov Samandar G'ayrat o'g'li hamda Jo'rayev Sherali Yuldoshali o'g'liga ogohlantirish e'lon qilinsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan talabalarini tanishtirsin.

4. Fakultet dekani (D.Umarxanova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

5. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV



Direktor

SH.PO'LOTOV

